



Broj: 05-3806-5/16
Sarajevo, 14. 10. 2016. godine

Na temelju člana 70. i 89. Zakona o javnim nabavkama („Službeni glasnik BiH“, broj: 39/14, u nastavku: Zakon), preporuke komisije iz Zapisnika o pregledu i ocjeni ponuda, broj: 05-3806-4/16 od 11. 10. 2016. godine, i člana 22. Statuta Agencije za bankarstvo Federacije BiH („Službene novine Federacije BiH“, broj: 42/04), direktor Agencije za bankarstvo Federacije BiH donosi

ODLUKU

o izboru najpovoljnijeg ponuđača u postupku javne nabavke usluga održavanja motornih vozila LOT 1

Član 1.

Prihvata se preporuka komisije za provođenje postupka javne nabavke iz Zapisnika o pregledu i ocjeni ponuda, broj i datum iz uvodnog dijela ove odluke, po provedenom postupku konkurentskog zahtjeva za dostavu ponuda u postupku javne nabavke usluga održavanja motornih vozila Agencije za bankarstvo Federacije BiH (u nastavku: Agencija) za LOT 1 i okvirni sporazum, na iznos od 10.000,00 KM bez uračunatog poreza na dodanu vrijednost, dodjeljuje se ponuđaču AUTODELTA d.o.o. Sarajevo za period od jedne godine.

Član 2.

U skladu s članom 70. stav (6) Zakona, Agencija će objaviti ovu odluku na svojoj internetskoj stranici: www.fba.ba, istovremeno s upućivanjem iste ponuđačima koji su učestvovali u ovom postupku.

Član 3.

Ova odluka stupa na snagu danom donošenja i dostavlja se svim ponuđačima koji su sudjelovali u postupku javne nabavke, saglasno članu 71. stav (2) Zakona.

OBRAZLOŽENJE

Odlukom direktora Agencije, broj: 05-3806/16 od 28. 09. 2016. godine, pokrenut je postupak javne nabavke usluga održavanja motornih vozila Agencije, putem konkurentskog zahtjeva za dostavu ponuda uz namjeru zaključivanja okvirnog sporazuma s jednim ponuđačem.

Procijenjena vrijednost predmetne javne nabavke iznosi 20.000,00 KM, bez uračunatog poreza na dodanu vrijednost (u nastavku: PDV).

Predmet javne nabavke podijeljen je na LOT-ove kako slijedi:

- LOT 1 – usluga održavanja putničkih automobila marke „Škoda“, procijenjene vrijednosti 10.000,00 KM bez uračunatog PDV-a;
- LOT 2 – usluga održavanja putničkih automobila marke „Volkswagen“, procijenjene vrijednosti 10.000,00 KM bez uračunatog PDV-a.

Agencija je objavila Obavještenje o nabavci, broj: 3010-7-2-1-138-3-26/16 od 30. 09. 2016. godine, na Portalu javnih nabavki, te saglasno članu 88. stav (1) Zakona, istovremeno uputila poziv za dostavljanje ponuda sljedećim ponuđačima: TRIAB d.o.o. Sarajevo, UNIS AUTOMOBILI I DIJELOVI d.o.o. Sarajevo, AC QUATTRO d.o.o. Sarajevo i PORSCHE BH d.o.o. Sarajevo.



Dana 10. 10. 2016. godine, sukladno tač. 4.12 i 4.13 Tenderske dokumentacije (u nastavku: TD), u ostavljenom krajnjem roku za dostavu ponuda blagovremeno su pristigle 3 (tri) ponude i to od strane sljedećih ponuđača: AUTODELTA d.o.o. Sarajevo, AC QUATTRO d.o.o. Sarajevo i PORSCHE BH d.o.o. Sarajevo, te je komisija izvršila javno otvaranje ponuda prema datumu i vremenu utvrđenom u prethodno navedenim tačkama TD. Javnom otvaranju ponuda prisustvovao je ovlašteni predstavnik ponuđača AUTODELTA d.o.o. Sarajevo. Komisija je nakon otvaranja ponuda, sačinila Zapisnik o otvaranju ponuda i isti u roku od 3 (tri) dana od dana otvaranja dostavila ponuđačima. Postupak je dalje nastavljen u smislu detaljne analize dokumentacije priložene uz svaku pojedinačnu ponudu, a u cilju ocjenjivanja ponuđača, te njihove kvalifikovanosti shodno uslovima navedenim u TD.

Uvidom u sadržaj dostavljenih ponuda za LOT 1 komisija je utvrdila da ponuđač AUTODELTA d.o.o. Sarajevo ispunjava kvalifikacione uslove iz TD u pogledu lične sposobnosti, sposobnosti obavljanja profesionalne djelatnosti, tehničke i profesionalne sposobnosti, kao i formalno pravne uslove, dok ponuđači: AC QUATTRO d.o.o. Sarajevo i PORSCHE BH d.o.o. Sarajevo ne ispunjavaju formalno pravne uslove iz TD, iz razloga što isti nisu pravilno izvršili ispravke grešaka prilikom pripreme ponude, što je u suprotnosti s tačkom 4.1 TD (ispravljeni podaci moraju biti vidljivi, potvrđeni potpisom ponuđača i s datumom izvršenja ispravke).

Nadalje, uvidom u ponudu ponuđača AC QUATTRO d.o.o. Sarajevo, komisija je utvrdila da isti nije dostavio kopiju ponude, što je u suprotnosti s tačkom 4.1 TD.

Cijeneći naprijed navedeno, ponude ponuđača: AC QUATTRO d.o.o. Sarajevo i PORSCHE BH d.o.o. Sarajevo, nisu dalje razmatrane niti vrednovane.

Nakon pregleda dokumentacije priložene uz dostavljene ponude i ekonomske ocjene dostavljenih ponuda komisija je u smislu člana 65. st. (1) i (2) Zakona ocijenila ponude kvalifikovanih ponuđača, te primjenjujući kriterij najniže cijene tehnički zadovoljavajuće ponude, a saglasno članu 69. stav (1) tačke a) Zakona, jednoglasno predložila da se okvirni sporazum za period od jedne godine od dana obostranog potpisivanja sporazuma, u postupku javne nabavke za LOT 1, dodijeli ponuđaču AUTODELTA d.o.o. Sarajevo.

Uvažavajući navedeno, direktor Agencije prihvatio je prijedlog komisije te donio odluku kao u dispozitivu.

POUKA O PRAVNOM LIJEKU:

Protiv ove odluke može se izjaviti žalba u roku od 5 (pet) dana od dana prijema ove odluke. Žalba se izjavljuje ugovornom organu u pisanoj formi, direktno, elektronskim putem ili preporučenom poštanskom pošiljkom. Žalbu je potrebno podnijeti u dovoljnom broju primjeraka koji ne može biti manji od 3 (tri).



Dostaviti:

- svim ponuđačima,
- Sektoru zajedničkih funkcija,
- a/a.